

# SARS e atolosa letsatsi la makgaolakang la sehla sa ho faela

**Tshwane, 23 Pudungwana 2021** – Ditshebeletso tsa Lekgetho tsa Afrika Borwa (SARS) di kgotsofaditswe ke karabelo e ntle haholo eo di e fumaneng ho tswa ho balefalekgetho ba faneng ka dikgutliso tsa bona tsa lekgetho la lekeno haesale ho tloha ka la 1 Phupu monongwaha.

SARS e lakatsa ho leboha balefalekgetho bana ka ho arabela maikemisetso a rona a mawala a ho kgothaletsa tlwaelo ya boikobelo ba tefo ya lekgetho ka boithaopo.

Le ha ho le jwalo, ka sepheo sa ho neha balefalekgetho monyetla wa ho ikobela boitlamo ba bona ba molao, SARS e tla atolosa letsatsi la makgaolakang la ho faela bakeng sa balefalekgetho ka bomong ba bona bao e seng ba nakwana ho tloha ho la 23 Pudungwana ho ya ho la 2 Tshitwe 2021.

SARS e eellwa mathata a mabapi le mekgwatshebetso ao mokgatlo o bileng le ona mmoho le kgahlamelo eo ho kgaoha kgafetsa ha phepele ya motlakase ho bileng le yona ho balefalekgetho hore ba kgone ho faela dikgutliso tsa bona.

Ka lebaka la sena, letsatsi leo ka lona ho neng ho tla kenngwa dikotlo bakeng sa balefalekgetho ba neng ba tla hloleha ho faela dikgutliso tsa bona le tla atoloswa mme tsena di tla qala ho sebetsa ka Pherekong 2022.

Re ipiletsa ho balefalekgetho ho sebedisa dikanale tsa rona tsa dijithale tse bebofatsang dintho, e leng, eFiling, SARS MobiApp, mmoho le tshebeletso ya SMS e sebedisang nomoro ena ya 47277. Ka ho romela SMS nomorong ena, balefalekgetho ba ka etsa tlhophiso ya kopano lekaleng la SARS, ba lekole hore na ba lokela ho romela kgutliso kapa tjhe mmoho le ditshebeletso tse ding.

Websaete ya SARS le yona e ntjhafaditswe hore e tle e tsebe ho jara ditshebeletso tse ding tse eketsehileng tsa dijithale molemong wa balefalekgetho. Ho fumana lesedi le fetang lena mabapi le ditshebeletso tsena, etela [www.sars.gov.za](http://www.sars.gov.za)

SARS e tla dula e ikemiseditse ho nolofaletsa balefalekgetho dintho hore ba tle ba tsebe ho ikobela boitlamo ba bona ba molao mme ke tshepo ya yona hore katoloso ena ya letsatsi la makgaolakang la ho faela e tla kgothaletsa boikobelo bo matla ka balefalekgetho.

Ho fumana lesedi le fetang lena, ka kopo ikopanye le SARS ka [SARSMedia@sars.gov.za](mailto:SARSMedia@sars.gov.za)